



Aan: de Voorzitter van de Staten van Aruba  
De heer mr. E.G.A. Vrolijk  
L.G. Smith Blvd. 72  
ALHIER

Kenmerk: MTINO/SvA-069

Oranjestad, 5 februari 2024

Onderwerp: **Beantwoording vragen statenlid dhr. Marco Berlis**

Geachte Voorzitter der Staten,

Naar aanleiding van de vragen van de Statenlid dhr. Marco Berlis (UV/23-24/003), d.d. 15 september 2023 gesteld aan mijn persoon, als Minister van Transport, Integriteit, Natuur en Ouderenzaken, ingevolge artikel III.17 van de Staatsregeling van Aruba en artikel 59 van het Reglement van Orde voor de Staten van Aruba doe ik hierbij de antwoorden op voornoemde vragen in het Papiaments aan u toekomen.

Minister, mirando cu bo persona a declara den Parlamento cu e sushi di e actividad di “Common Good” of tambe yama e “Bon Comun” di AVP nunca a drenta e lugarnan oficial di procesamiento, mi kier a haci e siguiente preguntanan;

1. Minister recientemente bo persona a declara den Parlamento cu AVP su ekipo di Bon Comun a piki sushi den bario di Dakota, pero cu e sushi aki cu a wordo acumula den bakinan grandi di sushi nunca a yega e lugarnan oficial unda ta procesa e sushi. Minister por confirma cu esaki y check un biaha mas si recientemente e sushi aki lo por a drenta tog?

*E informacion cu mi ta dispone di dje, e sushi aki no a yega niun di e companianan cu ta procesa desperdicio.*

2. Minister, bo persona a declara tambe cu tin varios dump ilegal rond di nos isla, y cu e compania cu e “Bon Comun” a usa, tin tendencia pa dump sushi na e dumpnan ilegal. Minister por a duna Parlamento e nomber di e compania aki?  
*Di e informacion obteni, lo a uza varios compania pa transporta e sushi. Mirando cu no tin indicacion fuerte cu e sushi aki a wordo deposita di forma ilegal, no ta corecto pa menciona nomber di e compania nan encuestion.*

3. Minister, lo por exigi di e compañia aki cu a transporta e sushi di Bon Comun/AVP pa demonstra na unda nan a benta e sushi aki?  
*No tin base legal pa exigi esaki.*

4. Minister, si e compañia aki cu AVP a usa tin tendencia pa dump na lugarnan ilegal, ki pasonan a tuma contra e compania aki pa e abuso cu e ta comete contra pais Aruba?  
*Si tin prueba contundente cu cualkier compania cu ta transporta sushi viola leyman di medio ambiente tin e posibilidad pa impone un multa riba e compania.*

5. Minister, mirando cu dumpmento ilegal ta un problema na Aruba, cual ta e boet cu un compañía, persona of organizacion ta haya si e comete e acto ilegal aki?  
*E multa pa tiramento di sushi illegal segun nos Algemene Politie Verordening ta multa di categoria 3. Esaki ta coresponde cu un suma maximo di 10.000 florin, of hechtenis te cu 6 luna.*

6. Minister, e boet y suma cu ta impone pa benta sushi na dumpnan ilegal ta bai pa peso, cantidad, tipo di sushi entre otro?  
*Te awor tin un suma maximo di 10.000 florin. Ta trahando riba un maneho pa categorisa esaki.*

7. Minister, si enberdad e Bon Comun/AVP a laga tira e sushi aki na un dump ilegal, nan tambe lo wordo confronta pa husticia y ricibi un boet?  
*Si tin prueba cu cualkier persona a viola ley ambiental, nan lo wordo atendi cu husticia.*

8. Minister den un caso manera esaki, e “Bon Comun/AVP” lo mester bai piki e sushi bek for di e dump ilegal y hibe na e lugaman oficial pa e sushi aki wordo procesa debidamente?  
*No tin base legal pa exihi esaki.*

9. Minister, Si enberdad e sushi di e actividad di Bon Comun AVP nunca a yega e lugarnan di procesa sushi oficialmente, lo laga haci un investigacion oficial con a para cu e sushi?  
*Lo purba di averigua unda esaki a wordo deposita. Sinembargo e capacidad di personal limita y e cantidad di trabounan na BCI no ta duna espacio pa un investigacion profundo.*

10. Minister, si e investigacion revela cu enberdad Bon Comun/AVP a comete e acto ilegal aki. Parlamento lo por haya un copia di e proces-verbaal di e acto criminal aki?  
*Un proces-verbaal den cualkier caso penal no ta un documento publico, cu un minister tin acceso na esaki. Pues no ta den man di Ministerio TINO pa compartie.*

11. Minister, si lidernan politico di AVP mes a comete un crimen y infraccion di e indole aki, ki tipo di voorbeeldfunctie esaki lo duna nos pueblo?  
*Tur lider politico y tur parlamentario tin un funcion di ehemplo.*

12. Minister, ki tipo di vigilancia tin na e dumpnan ilegal pa preveni cu hendenan irresponsabel lo sigui dump sushi?  
*Nos tin BCI cu ta monitorea regularmente den e areanan aki.*

13. Minister por ta tin idea pa por pone camera na e dumpnan ilegal, of na e entrada di esakinan pa monitoria hendenan tur ta dreña y tira sushi?  
*Esaki lo ta un idea cu por bay explora.*


14. Minister, lo pone mas baki di sushi di tempo pa tempo rond di nos isla pa yuda combati dumpmento di sushi na lugarnan ilegal?  
*E proyecto di Baki den Bario den 2023 a resulta di ta hopi exisito y ta continuando esaki den 2024.*

15. Minister, mirando cu den cura di hende awor tambe tin hopi resto di sushi di mata entre otro y otro susedad, esaki por forma un peliger di candela na e cas en cuestion. Ki solucion minister ta sugeri pa casonan asina ki?

*"Green waste" pues desperdicio organico (mata, yerba enz) no mescla y residencial por ser hiba gratis 1 biaha pa siman na Ecotech Freezone. Pues cu un tiki esfuerso y cambio di comportacion por tene nos cas y Pais limpi y sigur.*

Hopend u voldoende te hebben geïnformeerd.

Verblijf ik,



---

Ursell Arends  
Minister van Transport, Integriteit,  
Natuur en Ouderenzaken